

封邱縣續志卷十八

掌故

附志一

重修城堤

掌故一

知縣蔣萬寧歲修護城堤壕詳文

衛輝府封邱縣爲詳請堤壕擬議歲修以資永遠保障事案查^卑縣借款攤征

民修護城堤壕等工荷蒙憲台詳蒙撫藩各憲議准核奏並蒙飭發銀兩修竣

詳報收工各在案^卑職竊思^卑縣城堤城壕修濬之後今春已將兩岸栽柳成

活可保無虞但每日行人往來加之伏秋大雨淋漓必須逐年擬議歲修方可

永遠四門埠道終日車馬碾動殘缺尤易茲於紳士里民人等商議每歲仲春

二月先將四門埠道填補照舊原築堤長一千五百四十六丈每年每丈加築

封邱縣續志

卷十八 掌故一

— 開封新豫印刷所承印

土牛一方以備修補平墊車溝餘土存留三五年後堤可加高尺餘培厚四五尺餘至城壕現今挑成口寬四丈底寬一丈深一丈遵照原估挖成其中地勢有高低不等體察水法尙未通暢查得北門至東門轉至南門東首較之西北西南高二三四尺不等必須加深開寬方爲得法卑職亦商之紳民人等議得分作三年第一年先將東門至北門挑寬口面一丈二尺挖深四尺次年將東門至南門挖寬口面一丈挖深二三尺不等再於第三年將西門至南門兩面各挖寬一丈順其地勢挑深一律通暢城根現在祇留二丈五尺將來統在對岸挑寬倘每年有淤淺之處留意再行挖深城壕將口開寬涯不過陡可經久矣伏察堤壕二項歲修每年共約土三千餘方每一夫責土十方約需三百餘名^卑縣四鄉地方共計二十六社按照社分大小均派大社亦不過撥夫十餘

名春正月二月天氣乍和農事未舉借用民力既不擾累而堤壕得此歲修永遠可以鞏固不但壇壝祀廟倉庫衙門久長平定即閭里永登衽席矣各工俱以丙寅年爲始再挑寬城壕遇有四門建立寫橋之處及民居稠密之所俱一律仍舊毋庸紛擾^卑職擬議詳請是否有當仰懇憲台查核批示飭遵實爲公便爲此備由具詳伏乞照驗施行須至申者

嘉慶十年九月十八日

府憲王 批據詳具見心切保障經營盡善殊屬可嘉仰即依次辦理仍不時督察毋使差役鄉保人等藉端滋擾致累閭閻繳

嘉慶十年九月二十六日

右文錄自原碑蔣令於堤壕工程告竣後恐年久不脩仍歸平夷也乃擬

封邱縣續志

卷十八 掌故一

二

開封新豫印刷所承印

議歲脩辦法稟憲批准即將詳文並批泐諸貞珉而碑陰又歷敘此次工

程之始末

文見下

冀垂永遠而昭將來也碑現存南關大王廟高二尺二寸

寬四尺五寸厚六寸石文堅緻光可鑑人俗呼爲玲瓏碑洵可寶也

知縣蔣萬寧歲修護城堤濠詳文後

考康熙三十六年前令耿公

紘祚

續封邱志曰古黃河自大伾東北流入海漢

武帝時河決頓邱遂漸南徙隋煬帝引河入汴引汴入河至熙寧而後河遂南封邱河患之劇蓋自宋以後也至金世宗大定中封邱爲河水湮沒遷至於縣北新城卽小城也元初新城又爲河水所壞復治舊城元成宗元貞二年九月河決封邱武宗至大二年七月己亥河決封邱順帝至元元年閏十二月丁亥河決封邱洪武三十五年決陽武東經封邱城宏治二年河決于家店又決荆

隆工口六年夏大霖雨河水驟決北流併注封邱荆隆工一支尤甚至萬歷十五年秋河決荆隆口直衝封邱崇禎四五年復連決荆隆口本朝順治七年決朱源寨城不浸者三版九年復決大王廟口城邑衝毀其他更有決原武決陽武波及封邱者耿公治封有聲歷稽前事垂示來茲所以不厭精詳若此也又考宏治六年議將遷城袁公仕請築護城隄是爲隄之創始正德時張公憲增高加厚嘉靖時龔公治設望樓萬歷三年胡公以祚樹柵欄至四十八年宋公

學道

見堤勢日損河流益高力請發銀募夫加築高至一丈八尺闊一丈五尺

後崇禎間連歲河患封城賴以無恙甚矣護城隄之關係吾封城也縣志言之深切著明宰斯土者宜何如敬謹加意歟於嘉慶七年春萬寧宣調封邱讀縣

志問所謂護城者僅存其址間且犁爲平地心竊憂焉八年九月十三日巳刻

封邱縣續志

卷十八 掌故一

三

開封新豫印刷所承印

衡家樓漫溢申刻洪波直達城下雖先期騰土塞四門西刻水奪南門入幸城樓卷台同時塌陷水繞城西去而橫流圍城北者三十餘日未合龍前大溜距東門三里而近藩憲溫前撫憲王先後蒞封查災紳士籲請築堤並修城垣各憲念工程之難緩而瘠土災後民力何堪俯准借帑興修攤征歸款委員確估南門城樓城牆泊岸小東門改建涵洞磚土各工需銀三萬二千兩零九年三月合龍撫憲馬具奏得旨允准萬寧領款承修偕教諭張慎機城守把總李國典史楊錫九及張生純儒劉生永吉樊生擢李生篤恭封生勛王生炳南早夜經營又蒙藩憲委衛輝府經歷王閻督工監修各工次第報竣築城堤長一千五百四十六丈頂寬二丈底寬八丈高一丈挖城壕一千一百二十丈口寬四丈底寬一丈深一丈其餘磚土各工悉如奏定原估自今以往聖天子福祐

萬方各大憲經營河防河神效靈波恬流順豈復有衝突潰溢之虞竊念安不忘危古之訓也有備無患善之大者也謹以城堤城壕歲修詳請今府憲王蒙批允准在案萬寧不敢憂思過計駭人聽聞姑就縣志所載封邑之濱河被患者如此其甚前此護城堤之係吾封城者如此其切今日之上荷皇恩憲德下藉民力輸運得以成此工程者如此其難竊願後之蒞斯土者勸諭四鄉城池之望且城安則四鄉有所恃又從而稽查胥吏鄉保勿令偷減包攬民用餘力功收實效歲歲年年益安益固矣三年之後濠既挖成或減民夫或併力堤工堤之內外業已栽植楊柳隨時補種修治濠城之後兩岸亦植樹木幸得水泉種以荷芟是又賴後之賢者因時潤色踵事而增矣謹書於詳文後

嘉慶十年九月日

封邱縣續志

卷十八 掌故一

四

開封新豫印刷所承印

右文錄自蔣萬甯歲修護城堤壕詳文碑之陰

知縣駱文光城工告竣請委驗收詳文

敬稟者竊查封邑城池自元明以來屢受河患順治九年河決大王廟全城衝毀至康熙四年卑前縣屠粹忠始行修復嘉慶八年衡工漫口衝塌南門前縣蔣萬寧領帑興修南門城樓並護城堤共估需三萬二千餘金自是以後未聞有修築之舉歷時既久傾圮益甚又加地近大河土性沙礮外圍磚石剝落雉堞無存內裏城隍坍塌已成平地頽廢情形不堪目擊卑職於上年二月初到任後因思當此多事之秋若不亟為修理完固其何以藩衛斯民捍災禦患隨會同教佐邀集紳民委曲籌商該紳民等初尚以地方瘠苦又加連年差使繁重民間供支車馬已屬疲累不堪若再興修二百餘年未動之工恐有財力不

繼之慮旋適奉札勸捐軍餉及防河經費卑職當稟明撫憲將捐項暫緩提解

先儘修城並將延祥兩縣 站未歸正道封邱獨受扳累民力不支瀝情上達

其一切雜項差徭均予體恤停免又訪擇公正紳士數人以爲董事鳩工購料

收發一切統歸紳董經理不假書吏之手如遇經費短絀卑職先爲設法籌墊

倡捐該紳民等因知爲伊等身家性命曲盡籌謀遂皆欣然樂從當今該紳董

等在城內設立公局擇定於五月初三日開工興修並將勸捐情形及開工日

期先後稟報憲鑒在案未及動工獲嘉匪徒李占標等乘東匪竄擾楚旺豎旂

倡亂由陽武縣之齊亦集直撲封城卑職率領同城文武兵民齊集登陴以爲

守禦之計無如城隍殘缺尺土無存卽間有可以站立之處而城堞坍塌卸人無

遮蔽無不岌岌自危迨賊退之後卑職因查前項城工更不可不趕緊修築四

封邱縣續志

卷十八 掌故一

五

開封新豫印刷所承印

鄉紳民於被匪之後亦多奮興當改於是月初八日開工並按二十六社勻派

民夫二千名同力合作統計城隍五里十三步築高二丈二三尺不等頂寬一

丈二尺基寬三丈外圍磚工城堞以及炮台城樓四門馬道角樓吊橋一律拆

修重建自五月初八日開工起至九月初八日工竣卑職正擬提續挑浚城濠

乃直東土匪復竄擾滑縣長垣逼近縣境十二月初另股東匪郭秉鈞焦幗昌

等又由淇汲延津獲嘉陽武等縣闖入卑職縣該紳民等日事防剿又兼時漸寒

沍不能動工然自秋冬以來雖匪氛四逼閭邑人民得恃以無恐實賴城垣之

固新年卑職復督催各社民夫於正月十八日開工挑挖城濠共計周圍城濠

一千零五十丈令兩沿各津五尺挖成口寬五丈底寬一丈五尺深二丈現於

二月二十六日工竣所修城垣城濠均較原舊加高加寬工堅料實煥然一新

伏查封邑本係沿河瘠苦之區境內並無殷商大戶嘉慶年間僅止修理南門並護城堤已費帑金三萬二千餘兩今全城已成頽廢城壕亦將淤爲平地乃該紳民等輦石運灰曉夜力作不請公家之款不事抑勒苛求零星屑湊閱五月而工成且另籌大營軍餉及防河經費銀二千兩分別報解又捐備大炮二十四尊抬炮一百杆火藥數千觔以爲守城之用可謂不辭艱鉅奮勉趨公其監工購料各紳董隨同卑職無論寒天暑日督催奔走備極辛勞又能撙節度用不肯浮費分文實屬異常出力亟應於捐資之戶詳請從優獎勵以昭激勸

卑職現將閭邑紳民舖戶所捐城工軍餉及防河經費收支銀錢細數逐一開單榜示城隍廟公所令各捐戶於神前指對如有分文不符准其言明查究除稟請藩憲委員驗收並候委員驗收後另行造冊詳請核辦外所有卑縣勸捐

封邱縣續志

卷十八 掌故一

六

開封新豫印刷所承印

修浚城池現已一律工竣緣由理合稟報大人查核俯賜委員驗收實爲恩便再護城堤工從前動帑興築原爲捍禦水患現在年久失修亦多殘缺卑職前令就堤搭寨以資保衛但縣境上年被匪蹂躪之後受傷較重不敢過勞民力俟稍緩再行察酌時勢勸令興辦合併聲明肅此具稟恭請勛安伏乞垂鑒

同治元年二月

知縣黃庭芝修築城垣城壕諭

照得封邑城池建自有明本朝順治康熙乾隆咸豐年間雖節次修浚未能一律葺治四面城隍現均傾圮殘缺外圍磚石剝落雉堞坍塌情形岌岌可危本縣到任之初目擊頽廢亟欲修葺因頻年積歉未敢重累吾民現值中外開衅雖已停戰議和而封邑地鄰東直潰勇土匪時虞竄擾若不修葺城池萬一有

警何以保衛民生本縣實深焦灼幸邑中紳民皆有同心爰公同商確擬照咸豐十一年成例仍將城隍分作二十六段按二十六社分任挑築遴選公正紳士以董其事定於八月二十五日開工合亟諭飭諭到該首事戶總人等立即遵照公同商議每大村派莊頭二人小村一人務當按照地畝派撥催令來城認段分築不得濫以老幼羸弱充數須知修葺城池本爲保衛斯民萬不獲已之舉務努力從事刻日完竣脫有緩急均可進城躲避不致奔逃失所封民各有身家勿得心存觀望自貽伊戚凜之慎之特諭

光緒二十六年八月

邑紳邊祖恭等堤口補竣請禁就堤挖土公稟

爲堤補竣懇恩出示嚴禁挖土損堤以資保障事緣封邑護城堤創修於前明

封邱縣續志

卷十八 掌故一

七

開封新豫印刷所承印

嗣因水患不時堤漸淤平自萬歷以迄國朝補修者屢矣嘉慶九年蔣公萬寧來宰是邦見城堤僅存基址不足以資捍禦復重築之增高加厚長一千五百四十六丈頂寬二丈底寬八丈高一丈復又心切保障預籌歲修之法稟請立案封城至今猶嘉賴之乃年遠日久無人過問以致無知愚民或挖土售賣或掘堤墊地或開扒堤口以便私圖或寄埋墓塚以傷堤身種種損壞不可枚舉推原其故皆因平日官不查獲牌頭路捕亦遂漫不經心聽其所爲上年仁天蒞任適值五月十七日夜大霖雨平地水深丈餘及數尺不等由堤口直達城下越鷺橋奪南門入有高屋建瓴之勢城內岌岌可危幸蒙仁天冒雨持護堵塞門洞水不得入城中賴以無恙而關廂房屋冲塌者實爲不少曾蒙邀集職等商酌修理爲我封民籌畫保全可謂至矣詎期款不易集事莫能舉而父台

一再關懷綢繆未雨今春復又有修堤口之議^職等桑梓攸關曷敢漠視即公同籌商不避勞怨苦心勸諭共捐錢三百六十千文之譜尙未收齊即行覓夫開工擇堤口之衝要者修墊完竣留以通行車馬其向不准走車者皆係毀堤私開之口概行填平以免口多容易損壞刻已大致工竣業蒙周歷查驗其應墊浪窩及應行補修之堤口所在皆有俟麥收人暇即當覓夫擇要趕修惟工大費絀不敢冒昧前經議明由巡警局提出三十二年所餘雜費錢一百千文以補不足查警局款項無多原定局章本不准挪用因護城堤關係閭城安危非尋常工程可比蒙仁天垂念黎庶保衛閭城俯准通融嗣後無論何項自不得援例動用^職等祇有將捐款雜費兩項儘數辦工以期核實誠恐工竣以後仍前損挖勢必前功盡棄難資保障伏望嚴定章程出示查禁俾衆週知並責

成巡警局牌頭路捕等破除情面不時認真稽查如有挖土葬埋鏟草牧羊及私開車口損傷護堤情事立即稟案從嚴懲辦倘知情不報咎坐牌頭路捕庶堤身可期永固從此有恃無恐水患不虞數十載後閭邑紳民追念前勞無不頌我父台甘棠之貽留也謹擬章程五條是否可行伏求批示祇遵爲此上呈老父台大人案下施行

光緒三十三年四月

謹擬章程五條

一衝要堤口周圍應留九個以通往來車輛其私開車口概行填平不得因便私圖任意挖開違者查明嚴行懲究

一堤上青草可以護土免雨冲刷近有無知愚民動輒鏟草或牧羊牧牛皆足

損堤應請嚴禁倘有違犯查出重懲

一無知之人或私掘堤土售賣或遇大雨時挖土墊地或在堤坡葬墓或起棺留坑不填日久皆可損堤應請切實查禁違者嚴辦

一此次修堤籌款集事頗匪容易幸而竣工應請認真保護以垂久遠惟立法易實行難經久尤難此有治法尤貴有治人也然牌頭路捕距堤較近本有管理之責應請責成隨時稽查如有前弊不報者即將四關牌頭路捕懲處以儆玩忽再令巡警局總查倘遇違犯亦得隨時稟辦如此則立法周密果能遵守行之則護堤永遠完固自可有備無患矣

一查南關碑記護堤向歸二十六社歲修稟明有案此次因修補堤口從權辦理本與定章不符應請嗣後興修仍遵照原稟章程由各社分派民夫修理

封邱縣續志

卷十八 掌故一

九

開封新豫印刷所承印

不得藉此爲口實理合登明

縣長李 批據稟堤口補竣日前經本縣周歷查驗工程尚未堅固該紳等籌集款項不辭勞瘁爲城籌數十年安穩之計曷勝欣慰所議章程五條妥協可行候卽出示責成巡警局四關牌頭路捕遵照辦理並候呈明商務農工

局憲

本道
本府

憲查核仰卽知照

邑紳邊祖恭等城工修竣呈請驗收公稟

爲補修城工大致完竣懇請查驗收工備案事緣西門迤北城牆被光緒三十二年大雨倒塌兩段計二十餘丈夜間越城出入礙難稽查於巡警實有密切之關係姜前縣主屢邀^職等商議補修苦於無款可籌三十四年夏間因郭樹棠地畝案繳錢一百八十千文李前縣主將此項全數交^職等領出爲補修城

牆之費曾經具領在案惟因工大費鉅不敢開做三十四年冬復蒙仁天發給王魁元捐項錢一百四十九千八百五十文王之棟捐錢八十千文溫登太捐錢三十千文通共合錢四百三十九千八百五十文卽置買磚灰於十月十五日開工起至十二月十二日停工西門迤北修補大致完竣惟南段城隍之土全係流沙不能堅固是以煞費經營均用麥草攪和游土砌塚成牆又每高二尺橫鋪稽料以牽制之磚牆較原厚加寬尺餘俱用石灰灌滿以期堅實而垂久遠計共用石灰二萬七千五百一十三斤除城牆舊磚不計外實添新磚二萬四千七百個連工料雜費共合用錢四百一十千零七百九十文除用實存錢二十九千零六十文因西門迤南城垣破碎南門迤東炮台倒塌磚均被竊無存亟需擇要補修正待籌款集事復蒙飭發王連魁捐錢二百千文^職等又

勸恆德鹽店捐錢三十千文共合存錢二百五十九千零六十文遵卽於宣統元年八月底將西門迤南一段購買灰磚先行擇急修補共用工料等錢一百一十八千四百零八文本年五月間蒙諭飭將四城門修整共用鉄木工料錢三十三千九百七十文均經仁天驗明在案又買預備修炮台磚一萬三千零六個半合錢八十四千五百文通共用錢二百三十六千八百七十八文除用現實存錢二十二千一百八十二文以備置買石灰工料雜費之用如有不敷再由^職等另行籌辦惟查城牆爲一邑保障近年坍塌過甚修不勝修若聽其廢棄殊負仁天保衛地方之意而經費困難工程浩大是以莫敢過問^職等忝爲部民世居斯土地方應盡之義務不敢不先其所急嗣後但能籌一分款項卽修補一段工程異日城垣完固皆出甘棠遺愛仁德所沛感戴同深伏乞批

示立案實爲公便上呈

老父台大人案下施行

宣統二年

縣長文 批准如稟驗收該紳等合力經營任事實心殊堪佳與仍希將購過
工料以及修理丈段造冊呈縣備案此覆

右文統錄自舊檔卷